

**TULAFONO TAU FAAOFI E SOLOIA AI NI  
TULAFONO MAI LE UPEGA O TULAFONO 2019**

**SAMOA**

**Faamatalaga e Faamalamalama ai**

**1.0 Sini ma mafuaaga:**


- 1.1 Ua aiaia i le Tulafono Tau Faaofi le soloia o Tulafono a le Palemene ma Tulafono na pasia a o lumanai le Tutoatasi (“tulafono”) ia ua leva ma ua lē toe talafeagai.
- 1.2 O le sini autu o le Tulafono Tau Faaofi o le tuulata mai lea o le upega o tulafono a Samoa e ala i le soloia o tulafono ia ua iloa mautinoa ua tuai tele ma ua lē toe talafeagai.

**Fuaiupu:**

**Fuaiupu 1:** - ua aiaia ai le igoa puupuu ma le aso e amata faamamaluina ai.

**Fuaiupu 2:** - ua aiaia ai mo le soloia o Tulafono ma Tulafono na pasia a o lumanai le Tutoatasi e pei ona taua, i le aso e amata faamamaluina ai le Tulafono Tau Faaofi.

**Fuaiupu 3:** - ua aiaia ai mo aiaiga faasaoina ma aiaiga tau soloaiga.



.....  
(Hon TUILAEPA Auelua Fatialofa Lupesoliai Lolofietele  
Neioti Aiono Galumalemana Dr. Sailele Malielegaoui)  
**MINISITA MO LE KOMISI O LE TOEFUATAIGA**  
**O TULAFONO A SAMOA**

**TULAFONO TAU FAAOFI E SOLOIA AI NI  
TULAFONO MAI LE UPEGA O TULAFONO 2019**

**SAMOA**

**Faatulagaina o Aiaiga**

1. Igoa puupuu ma le amataga
2. Soloia o Tulafono ma Tulafono na pasia a o lumanai le Tutoatasi
3. Aiaiga faasaoina ma aiaiga tau soloaiga

---

**2019, Nu.**

**O SE TULAFONO TAU FAAOFI UA TAUA**

**O SE TULAFONO e soloia ai ni Tulafono eseese a le Palemene ma Tulafono na pasia a o lumanai le Tutoatasi, ma mo faamoemoega e fesootai i ai.**

**UA FAIA** e le Fono Aoao Faitulafono a Samoa i totonu o le Palemene ua potopoto e faapea:

**1. Igoa puupuu ma le amataga:**

- (1) E mafai ona taua lenei Tulafono o le Tulafono e Soloia ai ni Tulafono Mai le Upega o Tulafono 2019.
- (2) O lenei Tulafono e amata faamamaluina i le aso e tuuina i ai le maliega a le O Le Ao o le Malo.

**2. Soloia o Tulafono ma Tulafono na pasia a o lumanai le Tutoatasi:**

O Tulafono nei ma Tulafono na pasia a o lumanai le Tutoatasi ua faapea ona soloia:

- (a) Tulafono Faavae o Samoa 1921 (NZ);
- (b) Tulafono o Maketi a Samoa 1927;
- (c) Tulafono o le Faatulagaina o Fale 1932;
- (d) Tulafono o Tulafono Eese (Nu.2) 1932;
- (e) Tulafono o le Toe Faafouina o le Tulafono 1964;
- (f) Tulafono o le Faaunegatupe a le Fale Teutupe o le Atiina Ae o Asia 1969;
- (g) Tulafono o Lafoga o Faletalimalo 1972;
- (h) Tulafono o le Supeaneueta a le Malo 1972;
- (i) Tulafono o le Faalapotopotoga o Tupe Teu Faafaigaluega a le Atunuu 1981;
- (j) Tulafono o le Faletalimalo o le Royal Samoa 1984;
- (k) Tulafono o Aitalafu faamatuuese mai i Faamaumauga ona ua le mafai ona totogiina mai 1990;
- (l) Tulafono o Siitaga Lautele o Totogi (Tagata Ofisa e Umia Tofiga Faalemalo ma Tagata Faigaluega a le Malo) 2001;
- (m) Tulafono o le Faatagaina o Faaunegatupe tau le Atinae 2005;
- (n) Tulafono o le Faatagaina o Faaunega-Tupe 2006;
- (o) Tulafono o le Faatagaina o Faaunega-Tupe 2007;
- (p) Tulafono o Taaloga a le Pasefika i Saute (Auala Faatosina Tau Lafoga) 2007;
- (q) Tulafono o Galuega Tau Atinae a le Kamupani Faava o Malo o le SEG 2011.

**3. Aiaiga faasaoina ma aiaiga tau soloaiga:**

- (1) O le soloia ai o Tulafono ma Tulafono na pasia a o lumanai le Tutoatasi o lo o taua i le fuaiupu 2 ('Tulafono ua soloia') o le a lē aafia ai so o se aia tatau po o noataga ua faia i lalo o aiaiga o Tulafono ua soloia, ma o ia aia tatau po o noataga, e ao ona faaauau pea ma faatumau le faamamaluina seia vagana ua maea ma faataunuuina.
  - (2) E faaauau pea Tulafono ua soloia ma e ao ona tumau le faamamaluina mo le faamoemoe o le faaauauina ma le faaleleia atoatoa i lalo o Tulafono ua soloia, se gaoioiga, mataupu, po o se mea, po o so o se tualumaga na amatalia po o ua faagasolo i lalo o Tulafono ua soloia, pe afai e leai se aiaiga ua suia e fetuunai ai le faamaeaina o le gaoioiga, mataupu, po o se mea, po o tualumaga ua amatalia po o ua faagasolo i lalo o Tulafono ua soloia.
  - (3) O se malosiaga po o se gaoioiga e talafeagai ona faamaea, tauaveina, pe faamalosia ai le faatinoga o se feagaiga o lo o i ai pea na faia faaletulafono, ua sainia, pe na amatalia i lalo o Tulafono ua soloia, e mafai lava ona faataunuuina ma faatino i itu eseese uma, seia maea o lena feagaiga po o se maliega.
-